

Ars' esan cho bragail. "Sguir a dh' argumaid riùmsa. Pàidhidh tù fichead not dhòmhsa no bithidh an lagh agam ort. Cheannaich thu luach fichead not aig an 'action'."

"Cha do cheannaich mise heit aig an 'action' mhallaichte. S' dùin thusa do chab, a bhalaich, no bithidh an lagh agamsa ortsa airson a bhith a' cur nam breug orm."

Bha e fàs cho cas. "Tha fianuisean agam ort. Bha thu a' ceannach 's tù a bhà. Mar a bu mhotha a bha na prìsean a' dol 's ann a bu mhotha a bha thu a' crathadh do làmhnan rium agus a' gnogadh do chinn."

"Gu sealladh an t-Agh ort, a Dhomhnuill Uilleim" arsa mise "'s ann a bha mise a' sméideadh ri feadhainn a b' aithne dhomh."

"Droch rud—rud cunnartach aig 'action' " ars' esan. "Ach tha eagal orm gum feum thu an t-airgid a phàidheadh."

Cha robh math a bhith ag argumaid ris. Chuimhnich mi gun d'fhuair Alasdair airgead an subsidy latha no dhà air ais, agus thubhairt mi ris a' cheàrd gun cuirinn thuige an fhichead not 's a' mhaduinn. Arsa mise rium fhéin "Breitheanas!" agus dh'fhalbh mi dhachaidh le mo chuid ceannachd—mulchag chàise, dà bharaile sgadain, trì dusan isean, trosg agus langa agus dà mholt!

Two things that matter at.....

"THE POLLOK REST"

A good welcome—

A good drink

139 Pollok Street, Glasgow

From Shields Road Subway.....

"Second left—Phone Box—It's right!"